

BAKURUBASANNI


(número 12 songo)

Mali kono = Dórome 300

Afrikiki kono = Dórome 600

Jamana wére = Dórome 1000

Fewuruyekalo san 1996



Kunnafonisében bota kalo o kalo. BP: 24 Téléfoni : 22-21-04. Bozola Bamako-Mali. San 24nan boko 289nan A songo : dórome : 15

Ofisi maloforoko musaka



Géleya barika bonya kojugu kéra sababuw ye Mali fangaso k'a sen bo Ofisi di Nizeri maloforonaani döndalako la, minnu bë Molodo, Ndebugu, Dogofiri ani Kolongotomo. Maloforo ninnu binni ma bë baarakelako la. A ma bë nafoloko la. A ma bë baaraminéko la. A bëra fén minna, oyekenyereye ciyakédaw cayali n'u yiriwali de ye a dugu naani kono. Bës b'a dòn ko baara bë sëbe miné, k'a sëbe ke kenyereye kunda, ka temen foroba kunda kan. O misali ye malobaara bë la géleman ye, n'o ye malogosi ye, o nögöyali ye kenyereyeuw ka ciyakédaw ye ni Ofisi di Nizeri ciyakédaw ye. Malogosimansin minnu b'a marabolo naani kono kenyereyeuw tògo la, o ye mansin 600 de ye sisan. A bës baarasara da ka di ni Ofisibaarasara ye. O temennen k'o, malosenla minnu ni Ofisi bolo bë nögöñ bolo, olu ka sëgen ka bon, k'a da yoró janya kan. A bës labanna ka Ofisi bila, ka yéléma kenyereyeuw fe. Kabini san 1994 la fangaso bë waribô la, nka soro bë ka géleya ka t'a fe. O kama, a yoró naani döndalako néninijékulu sigira sen kan. Wale suguya bës kofora. Olu bës labanna wale min ma, o ye maloforo naani bës feereli ye. Fangaso ni kenyereye b'u ka nafolow n'u barikaw an'u hakiliw fara nögöñ kan, walasa ka soroko sabati. Mogo kelen, wali jékulu kelen, Mali kono an'a kókan, o bë se ka maloforo kelen dörön san, wali k'a naani bës san nögöñ fe. A ko sisannama barika bonyara fangaso kelen ma.

San 1996 hijita wari bë ben : Sefawari miliyon 1 ni waa 44 ni dórome 40 ma (1.220.200 F CFA)

Mali jamana mara kojew n'a lakanani minisiri bë silamé mumunin cémanw n'a musomanw ladonniya ko ninan san 1996 hijita wari bë ben sefawari miliyon 1 ni waa 44 ni dórome 40 ma. O wari bëtaw bë tila nin cogo la :

- Bamako-Jeda-Bamako taransipori pankurun na o ye :

Waa 100 ni waa 13 ni dórome kème 2.

- Makan kónona musakaw bë ben :

Waa 100 ni waa 7 ni kème 8 ni dórome 40.

- Makantala yérew magoné wari min bë d'u ma yen :

waa 20.

- Musaka misenniw Bamako ni Senu awiyonjiginyoro

(Kare tasara b'o la).

Waa 2 ni kème 2.

- Banki musakaw :

dórome kème 8

- Mumé : sefawari miliyon 1 ni waa 44 ni dórome 40.

Minisiri k'a bë silaméw ladonniya ko tögöseben bë damine san 1996, fewuruyekalo tile 23, ka t'a bila marisikalo tile 26 la.

Hijitalaw bë se ka taa n'u ka wari ye Mali tögöla bankila, utögöseben tuma. Hijitalaw ka taali bë boloda, san 1996 awirilikalo tile 6 ni tile 7.

U seginni bë boloda san 1996, mëkalo tile 3.

Hijitalaw yamarualen don ka taa ni doni kilo 25 ye Makan; ka segin ni kilo 40 ye Mali la.

Ni mögo min temenna kilo hake folen kan, o tigi seginbaat bë kilo farankan kelen o kelen sara dórome kème 3 ni 40 (ni minen bë na donita awiyon fe).

Nka ni hijitala min ko wajibi, ale n'a ka doni bës bë na nögöñ fe, o ka kilo farankan kelen o kelen jate bë ben

sefawari waa 1 ma, min bë sara Jeda. Hijitala minnu bë jamana marabolotow kono, a nininen don olu fe, u kana temen san 1996, marisikalo tile 28 kan, k'a soro u ma don Bamako, walasa u ka papiyew bës ka se ka laben ka ben ni taali waati ye.

Hijitalaw bës wajibiyalen don dögötöröw k'ufarikolo laje banakola, anik'uboloci. A nininen don u kelen-kelen bës fe fana, bugunnatige foto (karidante foto) 12 ka k'ubolo sanni awiyon panni ce ka bo Bamako.

KONKO

Fanakaw ye fatolamogo do bugo fo k'a faga.

ne 2

Legssi kasobon baarakelaw bë kasolasuw yoro caman feere.

ne 3

Taama géleyaliko Mali ni Senegali négesira kan

ne 4

Baganfurakeliko bora Cadika daw jigi koro

ne 4

Cikékra kunkorotakoye Benen Kalandenkorow bolo

ne 5

Joro kolon senekelaw ka sëgen kera fuu ye!

ne 7

SARIYA

Sigaret minni n'a mankutuli sariyako Jurusara waatiko dantigeli

ne 8

Kensya : Kanjabana (A nacogo n'a kubencogo)

ne 9

EREGEDONKILIDALA JANA AZIZI WONDER

ne 11

«Afrink di Sidi» nanaminenjanaw ka kene

ne 12

San 1998 «KUPU DAFIRIKI» kalata

ne 12

Fanakaw ye fatolamogo do bugo fo k'a faga.

Mogofaga min kera Fana san 1996, zanwiyekalo tile 11 don, a be fo de ma ko «ni si banna, saya be ke». Fanakaw tun be ce do nokan kabini tumajan k'o tun be bin walimusow kan sunkalo barikama in kono.

A tigi y'a lase muso minnu ma, o te dan k'a ban. Nka a ye muso minnu soro fo k'olu jogin, o ye muso naani ye. Nin bee la, mogo si ne ma da ce in kan. Hali a binna muso minnu kan, olu ko k'u ta yelen don. Bee tun be k'i nemada yorow la. O nemadali do senfe, kamalen do bora ce do kan kaburu kerefela la.

A kera o kamalen ni mogocaman wrew neena, ko dugu bee be ka tinekela min nini k'o de don. U sorola k'a bugoli damine.

Zandaramu bole a ko kalama, olu taara ce b'u bolo, ka t'a nemadogo kubeda yere kono. Olu y'u kodon doren, u donna kubeda kono, ka soda kari, ka ce labo, ka bugo kokura fo k'a faga. U y'a su fofo ka t'a fili zandaramuw yrew da la.

Fana dugu nemogow, a kafo nemogow, a kubeda nemogow n'a marabolo nemogobee ye nogon soro a ko kun na Fana kono, ka tine fo nogon ye, ka yeredonbaliyakow dabila, ka mogofagalaw nini k'u lase sariyaso la. U ye ce min faga n'o ye Sulemani Tarawele ye, o sorola fatolamogo ye, min te hali a yere kalama, kuma te ka bin walimusow kan. Ale de bonen a ni na gansan. A jirala ko Sulemani Tarawele tun ye Tiyaka de ye, Belko fe.

Kucala

Bamanankan kalanna 14 ye dipulomuw soro «Jamana» ka kalanso do la sibiridon, zanwiyekalo tile 13, san 1996.

Santiri «Jamana» ka baara jesinnen don faso sekow ni donkow dondalali ma, ani ka Kucala n'a lamini mogow deme, bamanankan, ani miyankakan ni jate ni kalanje la.

Katikaw y'u ka kominiw sigi

A jirala ko san 1996, zanwiyekalo tile 25don, katikaw ka kominiw sigili jekulu ye tonsigiba do ke, ka Kati kominiw hake fo.

Kominiw bee lajelen benna 30 ma. Arondisiman 8 ani dugumisen 502 be kati serkili fe. Kolosilikelaw ka fo la, nin wale in b'a jira ko katikaw ye noba bo desantaralizasonko la, ni dow k'a ma ka mara segin so.

Kayi

K'a ta san 1996, zanwiyekalo tile 6 la, ka t'a bil'a tile 12 la, Madamu Bilanden Mari Kirisitini n'a nokan noripadekaluka caman bisimilala Kayierezon kuntigi, yetenan koloneli Lansine Kone fe. Noripadekale ye Faransi ereson do ye.

Taama in senfe, Madamu Bilanden ni yetenan koloneli Lansine Kone y'u bolon bila benkanseben do la, min be nogonsirataama nijekabaara sabati Kayi ani Noripadekale ce.

O kofe, Madamu Bilanden ye Kayierezon bolomafara ni sefawari miliyon kemey, walasa ka desantaralizason baara sinsin.

Dunan ninnu ni Kayi ereson kuntigi taara Jakoni babili kura koronbokari; ka laban ka t'u ne da Sajola sanu baarayoro kan.

Tenenku

A jirala ko ladiyalifew dira lekoliden musomannin 47 ma, minnu ye kalankela njanaw ye, ani lekoliden somogo 6, minnu denmuso caman be lekoli la, ka fara duguma lekoli 4 kan, Tenenku serkili kono, minnu ka musomanninw ka ca kosebe lekoli la..

Wale in kera walasa musomannin caman ka se ka don lekoli la. N'i ye musomannin 100 ta Tenenku serkili kono, i b'a soro 7 doron de be lekoli la. A sabatira k'o ye wale ye, min be jamana ka netaa geleya kosebe.

CENABUGU KALANSO KURA

san 1996, zanwiyekalo tile 14, Cenabugukaw ye lekoliso saba koronbokari. Kalansow joli musakaw benna sefa miliyon 10 ma.

Cenabugu arondisiman dugu 8 jera k'u fanga fara nogon kan, ka lekoliso ninnu jo, ni demenijekuluw «wison monjali «ni AFD» ka deme ye.

Kalansow lekoliden folow hake be ben 90 ma ; musomannin 22 b'u la. A jirala ko lekoliden ninnu tun be taa lekoli la fo Falo. Falo ni Bila ce ye kilometere 30 ye.

Mogo minnu ye kuma ta nin wale senfe, u bee ye foli ani tanuni ke ka jesin demenijekulu ninnu ma, sanko «AFD», min ye lekolisow jo Falo dugu kono, ani dogotoroso, denmisenninw ka zariden, ka fara balikukalanso kan

Kayi

Dugujukoronafolokow ciyakeda, «SEMOS» ka laadalatonsigi nata senfe, min be ke san 1996, mariskalo la, a bena Sajolakaw ni Farakutakaw ka sigiyoro kuraw jir'la.

Nin kunnafoni donna nogonye do senfe, min kera san 1996, zanwiyekalo tile 8, Kayi dugu kono. Dugu fila ninnu ka mogow tun b'a kene kan.

Sajolakaw y'a jira k'u be taa sigi Sapurundi, Sirimara Esitaso ni tilebin ce.

Farakutakawy'a jira, nogonye kelen in senfe, k'olu be taa sigi Neteko ni Keneka ce.

Dugu ka mogo sugandilenw ko, deme min ka kan ka k'u ye, wulili hukumu kono, forokow ni sekow ani donkow siratige la, k'o ka sigi sen kan kabini sisan.

NIZERI FANGA DAFIRILA. LAGINE FANGA YEREYERELA.

Sibiridon, san 1996 zanwiyekalo tile 27 an siginogon jamana Nizeri fanga binna. Koloneli Ibarahima Bare Mayinasara ye peresidan Mahamani Usmani mine, ka paritiw bee ci, ka laban ka jamana ka sariyasunba dulon. Kabinifanga in binni kibaruya jenseenna, kulekan bora dije fan tan ni naani bee lajelen na. Faransi, Alimaji, Ameriki ani Danimariki y'u ka deme tige Nizeri jamana la, ko fo segin ka ke demokarasifanga ma.

Farafin jamana dow fana y'u ka nisongoya jira, i'n'a fo Mali, Kongo, ani Benen. Bee lajelen benn'a kan ko Nizeri sorodasiw ka fanga bila, ka segin ka taa u ka kanw kono.

Nka koloneli Ibarahima Bare Mayinasara y'a jira ko fanga tali tun wajibiyara sorodasiw kan. Ko ni sorodasiwtunma fangata, jamanadenw yeredama tun be mugu ni kise ta nogn kama k'a sababu ke peresidan Mahamani Usmani ni minisiriw nemogo Hama Amadu ce benbaliya ye. Peresidan kura ye minisiriw nemogo kura sigi, ka mogo hakilina sabatilen dow bila depitew no na. Jateminelaw ka fo, wajibitun ye Nizeri fanga binni ye, ka d'a kan, kabini tumajan, fadenyafin tun be peresidan ni minisiriw nemogo ce.


Minisiriw nemogo Hama Amadu ka mogow tun ka ca depitesoba la, ka temen peresidan Mahamani Usmani ka mogow kan, k'o sababu ke san 1995 zanwiyekalo wotew ye.

Minisiriw nemogo Hama Amadu y'a sinsin o yoro de kan, k'a yere sanga peresidan ma, ka laban k'a bolo moono bo peresidan ka sebaaya caman nefe; fo ka na Mahamani Usmani ka peresidanya toke nsosannin ka komoko ye. Konsosannin ta ye komoye, nka ni komobora, nsosannin be boli k'a dogo. Mahamani Usmani ye peresidan ye nka sebaaya fosi t'a bolo.

Farajew ni farafinw bee kumana faama fila ninnu fe ka dese. U ne tun te dovere la u yerekunw k'o. U bee ninena u nakun ko fanga la, n'o ye jamana kojew nemaboticogo numan n'a ka lafiya ninini ye. O de koson, Nizerikaw ye tegere fo sorodasiw ye.

O Temennen kofe, sorokow siratige la, geleyaba be Nizeri kono. Baarakelaw be kalo saba bo, u ma sara. Lekolidenw fana ko do ka fara u ka lekolidensaraw kan.

Koloneli Ibarahima Bare Mayinasara ye cidenw bila ka taa jamana caman na, walasa k'u ka fanga takun nefs. O y'a soraya peresidan Mahamani Usmani ni minisiriw nemogo Hama Amadu



Peresidan koro Mahamani Usmani

labilia. Nizeri sorodasiw ka fo la, u bena wotew ke, ka demkarastanga segin a no na, kalo 12 kono. Nizeri fanga binni matse n d o g o k u n kelen kan, magu ni kise m a n k a n bora Lagine faaba kono, n'o ye Konakiri ye. San 1996, fewuruyekalo tile 3, Lagine sorodasiw murutira pewu, ka pankurun pankene mine, ka sirabaw tige, k'u jojo faso ka seriusidaw la, ka mugu ci peresidan ka pale la, k'a ka biro karikari, k'a ka arajo soje, ani fennafama caman werew Konakiri dugu kono, i'n'a fo bolifew. Mogo 100 nognna joginna, ka mogo 50 bone, u niw na. Sorodasiw y'a jira k'u murutikun ye ka do fara u ka saraw kan, k'u ka minisiri Abudarahamani Jalo wuli ka b'u kunna, bawo ale de be k'u ka dinelatige geleya.

Walasa tijeliw be se ka kunc teliya la, peresidan Lansana Konte y'a ka jamana kono k'w minisiri Aliseni Gomezzi yamaruya a k'a fo arajo la, ko son kera sorodasiw ka ninitaw bee ma.

Kow nemajolen, zenerali Lansana Konte ye sorodasiw dalaje kan Alifa yaya kono, k'a fu ye k'a yere be sorodasiw ka minisiri pilasi ta; a y'a jira u la k'u ye fen o fen soje, u ka n'u bee bil'u now na.

Peresidan Lansana Konte y'a jira k'a bena Lagine larame taabolo bayelema, ka jalatigi hakilimaw ni sabatilenw bila larame nemogoya la. Ako sorodasi minnu tun b'a fe k'u sinsin murutili in kan ka

fanga bin, olu bee donnen don; k'u bee be mine.

Farajew ye Lansana Konte tanu, k'a sababu ke, a sera ka fitine in duga a waati la.

Nin ko minnu kera Lagine ni Nizeri kono, olu faralen Ganbi, Nizeriya, Komori, anijamana werewfangaw binni kan sorodasiw fe, farafinw ni farajew bee tonsi jora. Bee y'a miiri ko sorodasiw b'a fe ka segin fanga la, i'n'a fo, a kera cogo min na san 1960 ni san 1970 waatiw la.

Sorodasiw ka nin walew ka kan ka bee lajelen son hakili la. A folofolo, farafinna mogofaamuyalenw ni politikimogow k'a don ko demokarasi sariyaw ka kan ka laje ji nemajolen na, k'u fesefese ni hakili ye, k'u ben an ka laadaw n'an ka cogoyaw ma. U man kan cogo sila, k'u toron farajew ka sariyaw kan, k'olu ke duloki ye, k'o don an ka jamanaw kan na; walasa benbaliya gansan kana don nemogow yeredama ni nogn ce. A filanan, wotew kera ka nemogo minnu sigi olu k'a faamu k'u ma sugandi fadenya jugu ni nognjoniya kise bilen kama. U be fanga la faso ka kojew nemaboticogo numann'a ka lafiya ninini de kama.

A sabanan, sorodasiw ni jamanaden tow ka kan ka limaniya, ka son nemogo sugadilenw ka waati bolodalen dafali ma; walasa baara ka ke ni hakili ye, ka danaya sabati an ni dije jamana nafolotigw ce.

Anaaninan, dije setigijamanaw ka kan k'u seko ke demokarasifangaw ye, ka d'a kan kongo ni dese ye balawu jugubaw ye jamanaw kono.

Ninin fndamadow ma sabatijamanaw kono, Ala kan'a ke, ni kele ma wuli jamanadenw ni nogn ce, a ka c'a la sorodasisariyagelentigw be segin fanga la, ka jamanadenw koron, k'u bisi, k'u don u dungodaw fe. Tijne ka kan ka fo; badenfen te.

Badama Dukure


Legosi kasobon baarakelaw be kasolasuw yoro caman feere.

Nizeriya jamana kunnafonisben do kumara fen minnu kan, k'olu be feere Legosi kasobonba la, olu be bo kasolamogo salenw de la. O fen minnu be bo suw la, o y'u nekisew n'u nenw an'u kognuguw ye. Mogo minnu bo fenw san, o ye farafinfurakelilaw ni dabalikelaw ani bolitigw ye.

A fenw feerebagaw ye kasobon baarakela yere de ye. Ni kasolamogo sara, a sukow be mogo minnu bolo, olu n'u kokognonw de be je k'a fenw bo, k'a t'u feere. Ajirala k'u b'u dogo k'a baara n'a jago ke, k'u be nafolo sor'a la, bawo ko dogokun o dogokun, kasolamogo minnu be sa, o ye mogo 15 nogn ye.

Jateminelaw ka fo la, a ko be ka dadiya a kebagaw la ka t'a fe, bawo ko mogo 35.750 minnu be kasolamogo salenw de la, ni da te ka bila olu ka kiiriko la, k'olu caman be sa kasolamogo minnu be sa, o ye mogo 15 nogn ye.

Taama gelyaliko Mali ni Senegali negesira kan



Kabini san 1994 Desanburukalo la Mali ni Senegali negesirakow ciyakédaw y'u bolo di njogon ma nafasoroko siratigela. Okama ubee ye wagon 400 fara njogon kan, donita kosoñ. Senegali y'a ka wagon 400 bø fo k'a to t'a bolo. Nka wagon 400 bolen Mali taw la, o to caman ma to min be se ka taamalaw mago ne Kayi ni Bamako ce. O la wagonko gelyara bøe ma kabini Bamako, fo ka se Kayi. Kulun bøe falen de be se yorow la. Mogow te ta, doniw te ta. O kera sababu ye ka gelya wëre basigi n'o ye fénw songow yelenni ye. Kayi kono, malokise kilo bora döröme 60 la, ka se döröme 76 ma ; sukaro kilo bora döröme 80 na, ka se

döröme 130 ma. Fen min ye tulu, nono, sogo ani nafenw ye, don o don, do be fara olu songow kan.

A ko te njogoya fo ni wagon soroña Mali fe, ka taamalaw ani jagokelaw n'u ka feerefénw ta ka bo Bamako, ka taa Kayi, wali ka bo Kayi ka taa Bamako. Ajirala ko wagontanya kosoñ balofénw ni magonefénw be tijé sisikulun temenyorø bøe la, negesira kan. N'a bolodijogonma ma fen ke Senegali la, bawo se b'o ye, a ye fen caman tijé Mali ma. Hadamadenw ka taanikasegin sumayara, donilase dabilala ; sanni ani feereli gelyara, bawo songoko ye sugulataa negebo Bamakökaw ni Kayikaw la.

(SYFIA-Mali)

Ofisiri ka laadala tonsigi sabanan

Ofisiri ka taamasen kura talen kofe, a y'a ka laadala tonsigi sabananké, san 1996, Fewuruyekalo tile 2, walasa ka musakaw ni baara bolodalenw jate miné.

Ciyakeda in ka san 1995 baaraw fanba bolila ani senekelaw furance kojew kan, ani juruw sarali. A sabatira ko juru 100 0 100 cëma, i b'a soro juru 90 sarala.

Malosene kofe, Ofisiri yetomatikené toni 900 feere, ani layi toni 60. Min ye goferenaman ni Ofisiri ce baraw ye, n'o ye Kontara Pilan ye, tonsigilaw kumara kosebe Ofisiri

sininama kan, ani Ofisiri hakili sigili dugukolokow siratige la, ani senekelaw ni jikow njenaboli la.

O temennen kofe, njonye in senfe, da sera Ofisiri bilali ma, senekelaw ka bolo kan. Min ye san kura kojew ye, Ofisiri njemogoba, Ferinan Tarawele y'a jira ko malo farama soroña ka kan ka ben toni 271.000 ma; layi be ben toni 100 ma; tomati kene soroña be ben toni 1.700 ma.

Kuma kera Ofisiri ka sisan gelyaw kan, ani feere minnu ka kan ka siri, walasa ka gelya ninnu wuli ka bo yen, ka baarada ka njetaa sabati.

Baganfurakeliko bora Cadika døw jigi koro

A be san fila bo sisan Cadi jamana fangaso be k'a jini k'a sen bo baganfurakeliko bøe la, k'o yelema kenyerøyewka bolokan. N'o yelema suguya jubora, a kera cogo o cogo, a da ka di døw la, a da ka go døw la, a bøe ka kan døw ye. Mogø folo minnu y'u ka nisongoya jira, o kera bagantigiw ye. A yelema bora olu jigi koro. Olu tun delilen be fen o fen na, o bøe dabilala. Utun be baganw daga yorokelen na walasa dogotorow ka na olu bøe furake njogon fe. N'a bora fura damado dørøn na, utun te døröme kelen don baganfura la. Ni wariko tun yera a la fo n'a kera dogotorow ladiyaliwariw ye. Bagankasaara tun ka suma.

Nka sisan, baganfurakelikow bøe turula u kun kan. Dogotoro kenyerøyew te baganw laje, sanko k'u furake ni wari ma bo folo. N'i y'u wele fana, o musaka be sar'a dan ma. O ni lajelisara, furasongo ani furakeliwari te kelen ye. Bagankasaara cayara bawo bagantigiw bolobanna furasan banbali fe.

Fangaso y'i kodon bagantigiw la cogo min na, o te se ka yelema tugun, bawo dije demejekuluw y'a jini Cadi jamana fangaso fe, a k'a senbo bangako bøe la, k'a to jagokelaw ni kenyerøyew bolo ; k'a musaka ka bon fangaso ma ; ko nafa t'a la. Olu dun mana demesira min kofe, njamana m'o sira miné, u te nafolo d'o ma cogo si la.

Yøro dow la, u b'a fo ka do bo forobabaarakelaw hake la, wali ka izini døw ani ciyakeda døw latemén kenyerøyew ma.

(SYFIA-Cadi)

Ciké Kéra kunkɔrɔtako ye Benen Kalandenkɔrɔw bolo

Benen jamana yiriwalikow jateminlaw ko k'u y'a kɔlɔsi ko kalandenkɔrɔ minnu bε k'u nɛsin ciké ma kungoduguw kɔnɔ, k'o hake bε ka caya san ò san ka t'a fε. U y'a jira ko fo ka se san 1986 ma denmisénw tun ka kalanw mana ban dɔrɔn, u bε don forobabaara la. Nka, taalen nεfc, gεleya barika bonyara faantanjamanaw kan, fo k'olu fangasow kεnε forobamusakawkɔrɔ, ikociyakédaw labaaranafolow ani kalosaraw n'u nɔgɔnnna nafolobokow. O'ta bεs ye, bawo fangasow bεs kεnεra baarakelaw kɔrɔ, fo k'olu caman karababɔ baara la. O jamana te sɔrɔ farafinna sisán min bε baarakelakɔrɔw bila, k'a bε baarakelakuraw ta olu nɔ na. O tun ye kunun ko ye. O te bi ko ye. Bi ko ye bεs k'i yεrεjini de ye. Kalandenkɔrɔw mεennna, k'a sɔrɔ u m'o de faamuya. U ye panni kε, ka purutili kε, ka kinni kε, ka sεgen, k'o bεs dabila, ka sɔrɔ ka jate laban kε seginni ye ciké ma, bawo ko dugukolotε mɔgɔnεgen, a tεnkalon tige; ko sεne de fɔlɔla, ale de bε laban.

O kɔson, k'a ta san 1989 la fo ka sesan 1994 ma kalandenkɔrɔ minnu labenna, n'u ma nafolo sɔrɔ fɔlɔ, o ye mɔgɔ 1048 ye. Nafolo min lahidu tara, o y'u kelen -kelen bεs miliyon naani ni tila ye, sefawari la (4 500 000). Otεmennenkɔ, sεnedugukolo min bεna labila u ye, o ye taari 40 000 de ye. Mɔgɔ fɔlɔ minnu y'a damine, ko dɔ sɔrɔla olu la, min ye kɔori tɔni 5 sɔrɔ ninan.

(SYFIA - Benin)

Bεs te sogo sɔrɔ ka dun Kodiwari kɔnɔ.

San 1988 waati la, Kodiwari mɔgɔ kelen ka sogo dunta tun bε ben kilo 13 ma san kɔnɔ.

A bɔr'ɔ la ka n'a kε kilo 7 ye, ka laban ka na kε kilo 3 ye san kɔnɔ.

Ni mɔgɔ min ye Kodiwari faamaw ka feεre sirilenw jateminε baganwyiriwali siratigε la, sogo gεleyali in b'i kamanagan kosebε. K'a sababu kε, k'a ta san 1970 la ka n'a bila san 1988 la, faamaw ye Sefa miliyari 70 don baganmara kɔnεw da fε, walasa sogodεsε kana don jamana kɔnɔ, i n'a fo a kera cogo min na san 1972. Feεrew sirilen kɔfε, san 1993 waati la, Kodiwari misiw tun bε ta miliyon kelen ani waa kεmεfila la; baganmisénw tu bε taa miliyon fila ani waa kεmεfila; kamamanfεn w tun bε taa miliyon 25 la; lewtun bε taa baa kεmεnaani na.

Jateminlaw y'a jira ko fεn damadɔw nana ni sogogεleya ye Kodiwari jamana kɔnɔ: sefa fanga nagasili; ani baganbɔtaw dɔgɔyali jamana wεrew la ka don Kodiwari kɔnɔ.

Sefa fanga nagasilen, dɔ farala bagankunbabaw ni baganmisénw maralimusakawkan ni, dɔrɔmε 25 fo ka se 30 ma, 100 à 100 kan.

Kamamanfεn w ta kera, 25 ka se 40 ma 100 à 100 kan. O kɔson, san 1995, sogo kilo sera kεmεfila ma, walima kεmεfila ani binaani.

Sogo minnu tun bε bo farajela ka don Kodiwari kɔnɔ, olu hake fana dɔgɔyara kosebε ka t'a fε. San 1988 sogo hake tun bε ben tɔni baa biduuru ma. San 1994, Kodiwari ma dɔwεre sɔrɔ sogo tɔni baa naani kɔ ka bo farajela.

Min ye Kodiwari kεrεfε jamanaw ta fanyε, a jirala komɔgɔ siyamaruyalen te ka don ni baganw ye Kodiwari kɔnɔ sennasira fε. O temenneni kɔfε, caman farala baganw tasaraw kan mɔbiliw la; dɔ farala takisiw fana kan. Misali la, misi 35 ka se 40 ma, olu tasara bε taa dɔrɔmε baa kεmε ani baa binaani na, ka se fo dɔrɔmε baa kεmε ani baa biwɔɔrɔ ma.

Nka, Kodiwari faamaw hakili la, u ka

jamana te bagan caman sɔrɔ ka b'u sigijɔgɔnjamawla, n'oluye saheli jamanaw ye, k'a sababu kε baganmara nagasiliye jamanan ninnu kɔnɔ. U ka fo la saheli jamanaw ye baganw dumuniyɔrɔw yεlema k'u kε sεnεkeyɔrɔw ye.

«SYFIA»

Afiriki sεnεfεn w dondalako te ka sabati

Jateminlaw y'a jira k'u ka kɔlɔsiwalew bɔra sεnεfεn w dondalako sabatibaliya kan, bawo ko san fila te tugu nɔgɔn na, k'a sɔrɔ sεnεfεn w sɔngɔ ma binko kelen wali fila sɔrɔ.

O misalitara sεnεfεn damadɔw kan, kafe, kakawo, atayi ani jiriw bε minnu na. Olu ka jate la farajew te farafinw ka sεnεfεn w nagasi gansan. N'a sεgesegera cogo o cogo, nafako b'a la. N'u ye sannifeere lasumaya ko gεleya bε farajela, sεnεfεn w bε to cikεlaw bolo. N'a mεennna dɔɔnin, u bε sɔrɔ ka sanniko dabo. Nka, u b'u sagona sɔngɔw de sigi. Ni cikεla minnu m'u ka fεnw feere o daw la, o fεnw bε t'olu bolo. A caman dun ye fεntijεtaw ye, i ko jiridenw n'u nɔgɔnnaw. N'u ye sannifeere lajɔ pewu, o kɔrɔ ye k'u bεna sεnεfεn w san da nɔgɔn na don dɔ la, bawo, u b'a dɔn ko wariko bε cikεlaw la; ko ni dɔɔnin dir'u ma, u bε yɔrɔ bεe ke mankan ye ko sannifeere ma diya ninan, nka u te ban wari la cogo si la. A jirala ko n'a bɔra kɔori ni ntentulu n'a nɔgɔnnaw la, olu minnu bilalen bε bolo kelen kan farajew fε, ko sεnεfεn fosi sɔngɔ sabatilen te. O kɔrɔ te ko farajela mago te farafinna sεnεfεn w na, nka o kɔrɔ ye ko sannikela minnu b'a fan fila ni nɔgɔn ce, olu de bε ka feεre jugu suguya ninnu bεs kε walasa u ka tɔnɔcaman sɔrɔ. O tɔnɔsɔrɔkow da bε sɔn ka mεen digili la farafinw na, fo Ala mana min kε.

(SYFIA-Faransi)

Kibaru Kanubagaw Kuma Yore

NTOLATAN KUNNAFONIW KA D'ANW KUNGOKONO MOGOW YE

Né b'a jini kibaru nemogoyaso fe, a ka ninan san 1996 kupudafiriki kunkun n'a neñjen bee bokibaruseben kono, walasa anw kungokono mogow ka se ka bo kodo kalama. Ka d'a kan, anw kungokono mogow nansarkan menna man ca. Nintolatan in kibaruyaw sera ka bokibarukono, a be diy'an ye kosebe. N be bee lajelen sanbee-sanbee. Ala ka san kura ke here san ye kibaru dilanbagaw n'a kalanbagaw bee bolo.

Yamusa Danbele
Jumazana Buwaninje
Fana-Joyila mara la.

DORIBUGUNI



Jinan geleyara kosebe anw Doribugukaw bolo, sabu, san 1995, nin waati y'a soro no kilo ye dorome 7 ye. Nka ninan, san 1996, k'a d a m i n e zanwiye kalo la

ka n'a bila bila, no kiloker a dorome 18 ye. Halibi, do be ka fara no songo kan. Nin man di anw senekelaw ye, ka d'a kan, mogo caman t'a balo soro ni sanni te. Tigatulu tun ye dorome 42 ye ; o litiri kelen jiginna ka ke dorome 30 ye.

Gonba Tarawele
Doribugu, Kolokani mara

Farakan I

N nisondiyalen be nin bataki seben k'an ka dugu kunnafoni lase kibaru ma. Farakan ye dugu ye min be Joyila sekiteri fe. Zayeri dugu don. A ni Joyila ce ye kilometere 30 ye. Ninan y'an ka «AV» sigili san 6 ye. Anw ka baaraw seneen don koori, kaba, keninge ani sajo sene ma. An ka «AV» sigili ni sisan ce, an ye baara damadow ke :

An ye toliso jo moniteri ye, ka tila ka basikili kelen san. O kofe, an ye moto

kelen san «AV» taamaw kama. An ye magasanba kelen jo min bonya be taa metere 10 na.

Nb'a jini «CMDT» baarakelaw fe, u k'a to ninan koori ka meen an bolo, sabu a koori ka ni kojugu. N b'an ka nemog, Sinali Sanogo fo, ani «AV» peresidan Salifu Sidibe.

Adama Mariko
«AV» sekretari,
Farakan I-Joyila

SOW KANA DON WOTORO LA TUGUN

N nisondiyalen be nin bataki in ci Kibaru ma. N be jamana nemogow fo, ka d'a kan, uye sowbilaka bokotorowla. Akodiyara ne ye kosebe. An b'u fo, k'u walenumandon.

Faamaw ye sowbilali min ke kabewotorola, u ni foli ka kan. Hadamadenya kun ye mogow ka nogon gasisigi ; ka ko to nogontala, ka nogon son hakili la. An b'a jini Ala fe, a k'an lakana, k'an deme.

Faamaw, donnibaaw, karamogow, jamana nemogow, cikelaw, baganmaralaw, bololabaaarakelaw, ani kenyereyew, Mali kono an'a kokan, an bee ka je ka dugaw don an ka-jamana ye. Sow kana don wotorola tugun ; konuman te. Dantanfen tonoli ye kojuguba ye. Ala ka faamaw hine faantantwa.

Dirisa Fonba №1
Balikukan Karamog
Kula-Joyila kubeda la.

POYI : JIGI

Dine ye jigi ye
Ala kan'an jigitanya.
Dine jigi ye mogow ye.
Mogow jigi ye baara ye.
Baara de be jamana ka netaa sabati Fasodenw, a' ye sunogo bila !
A' ye wuli an ka dine mine a cema
K'a barakoloni ; k'a filenkoloni
Ka jamana bo nogon la.
Anjigi ye sene, mooni ani bagannadonye.
An ka jiri turu, ka ja lagosi,
Bawo ja de be kongo wele,
Ka soro nagasi,
Ka baganw silatunun.
Jamanadenw, an k'an cesiri, walasa an faso ka sini be yiriwa.

Bakari Tarawele
Yelimane

GELEYA MINNU BE SAFE LANZANA KOORIKO LA JINAN

Nin ye kunnafoni ye min be tali ke jinan kooriko geleya la. Sannifeere damineto ye nin ye, nka, an ye geleyaba fila soro, Safe nanzana.

Geleya folo ye mobilikoye. Mobiliw hake dogoyara kosebe. N'u m'a laje ka do fara mobilikorow kan, a baara ka sumakosebe.

Geleya filanan, o be izini baarakelaw la. O ye geleya jumen ye ? Mobilikoye koso, tondugu doye ye mobiliw jini u yere ye, julaw fe, walasa k'u ka koori donnii k'a ban joona.

N'o mobiliw taara koori ta, ka na n'a ye izini na, u jolen be se ka tile 5 walima tile 6 ke. Ni otiwale mobiliw ma yelema ka ban, u te se mobili ninnu ma, hali n'o y'a soro o mobiliw konna ka se otiwale ta ne. O geleya b'anw kan sisan, a be ka animateri segen kosebe ; bawo, ni mogo min dara koori kan ka taa, o tigi be meen, k'a ka musakaw bee ban a bolo, izini na.

Siyaka Dunbiya
Safe Lanzana-Sanankoroba.

MUSOW K'U JOYORO FA

Ne Fanta Tarawele, ni mogow ko doma ninenin, n b'a jini balikukan karamogow fe, u k'u jija ka musow ka balikukan sinsin dugu bee la, walasa musow be se ka ko doye jenaboo, u yere ye, togodaw la.

Okofe, musow ka kalan na ke sababu ye ka senekedaw yiriwa, sabu, n'i ye muso kelen kalan, o be komi ye du kelen kalan.

Ne b'a jini musow fe, ni senekewaati sera, u k'u jija ka dumuni laben joona, ka taa foro la ; o b'a to cew be se ka baara caman ke.

N'o te, ni kongo ye cikelaw degun, u be desse baaraketaw la.

Musow k'a laje, u joyoro ye fen o fen ye senekeko la, u k'o mine sebe ye. N be kibaru ni arajo baarakelaw bee fo, ani Sosani Sangare, Negejuru Sangare ka bo Fugadugu Bugula.

Fanta Tarawele
Fugadugu-Bugula

TURELA MORIW NI ÑAMINA DIBI

Ne be nin bataki in ci kibaru ñemogow ma, k'u ladonniya Ñamina kibaruyaw la ; kalankow ani kokoro minnu tun be ke Ñamina.

Kalankow siratige la, kalanso fila be Ñamina, folofolo ye wulalela kalanso ye ; o animateri ye Nbala Wulale ye. Kalanden 22 be kalanso in kono. Kalanso filanan ye Nfamara ka kalanso ye. Olu ka kin ye sokuraw ye. O aminateri ye Nfamara Kone yere ye ; kalanden 15 b'ale bolo. Halibi, an b'a nini faamaw fe, u k'an deme, walasa kalanso be se ka caya Ñamina arondisiman kono cogo min na.

Min ye kokorow ye, arajomali nalen Ñamina, san 1995 desanburukalo tile 12 don, u y'an ka maakorow nininka dugu ka kokorow la, kokoro do be, u da ma se o ma ; o ye komoko ye. Komotun be Ñamina folo. Ne hakili la, ofoli te mogos si ka silameya bali, ka d'a kan lawale kow don, bi kow te.

Ñamina komotigi togo tun ye ko Dibi ; Bees b'a wele ko Ñamina Dibi. Wulalekaw tun ka jen don. Dibi for'a ma cogo min na, o file :

Don do la, a wulila sufe, k'a yaalayaala dugu kono. Ñamina Turela moriw y'a f'a ye k'a kana taa u ka misiri da la.

Komo in ma son. A taara misiri da la. A selen yen, a ma se ka taama tugun. A jolen tora ten ; kabini sufe, fo ka tile bo. Nka, komo jolen don yoro mina, o yoro kera dibi ye.

Mogow wulila ka t'a laje. U ma se ka komo ye dibi fe. O kelen, mogow taara turela moriw deli ; moriw sonna ; u ye komo labila. Nka, komo taamato ni dibi tun be taa nogon fe, fo komotu la. Nin ye doonin folen ye Dibi ka ko la ; a bees te se ka fo yoro kelen na.

Nbala Wulale
Ñamina-Kulukoro mara la

SENEKELAW K'U HAKILI TO BALOKO LA

Nin ye laadili seben ye ka nesin Mali senekelaw ma ninan, baloko kan ; ka d'a kan, no ye wari soro ninan kosebe, min be se ka ke sababu ye senekela dow k'u ka no bees feere, ka laban ka taa no san sugula. N'an be no feere, an k'an hakili to baloko la.

Senekela dow be no feere, ka motoba san, walima ka butiki dayele dugubaw kono. Kofe ka laban ka na togodaw la, ko wari banna, walima ko wari tijena.

Adama Sangare
Fugadugu Bugula-Beleko

Tasuma ye fen juguba ye senekela bolo

Anw fe, Bonkoroyan, tasuma fagali ton be yan. A ñemogow ye Musa Kulubali ni Nuhun Sangare ye. Ni tasuma bora yoro o yoro, dugu ce n'a muso, bees be wuli k'a kunben.

Tasuma ye fen juguba ye senekela bolo, bawo tasuma be senekelaw dugukolo tige, ka laban ka baganw bali ka dumuni soro. Bees dun b'a don ko senekela jigiba y'a ka senekemisi ye.

Mogo dow be yen, se b'olu ye ka koerikolo san, ka di senekemisiw ma. Nka mogo caman be yen, , se t'olu ye ka koerikolo san. O de koso, anw jijalen don tasuma fagali fe.


Nka, o t'a nafa bees ye, ka d'a kan, mogo o mogo be tasuma faga, balaw ke mandi k'tigi ka dugu soro.

Aw ye Kibaru min ci, ne ma sera ; a benna n ma kosebe. Min ye sanjate seben ye, o fana fisayara kosebe, bawo, a b'an deme baara caman na.

Seku Sangare
Bonkoroyan -Beleko.

Joro kolon senekelaw ka segan kera fuu ye !

Aw k'a don, da be Joro kolon senekelaw ye bi, sunogo t'u ye, k'a sababu ke tasuma ka kasaara ye. An be san min na, n'o



ye san 1996 ye, tasuma ye senekela dow tege ko ka bo maloko la pewu, bawo, u ka malo bees jenina.

N'i ye sene musakaw laje bi, sanko malosene, i b'a don ko jigilatige dan don. Maloforow taari kelen cikesara misidaba la, o be ben dorome 3.500 ma; a senesara

be ben dorome 4.500 ma, mansin na.

O t'a bees ye; binbosara be ben dorome 1.700 ma. O kofe, no go jeman bore songo ye dorome 2.100 ye.

No go finman bore be ben dorome 2.500 ma. Nin bee lajelen temennen ko, ni malo sera kanni ye, taari kelen kansara be ben dorome 3.000 ma.

N'i ye musakaw bees file, ka tila kan'i tege ko ka bo maloko la pewu, Ala yere dey'a kodilabaga ye; n'ote dilacogo t'a la. Ni feere ma nini tasumako in na, Ala kan'a ke, san damado ninan ko, malosene be dabila Joro kolon kono.

Ne hakili la, feere be se ka soro a la. Mun na ? N'i y'a jeterminate, tasuma te don a yere ma kolon kono; fen dode be na n'a ye nka tasumako dow ye Ala ka latige ye; dow y'an yere ka lajini ye. Senekela dow ka malo mana gosi k'a ladon so kono, olu hakili la, o ye bees tilalen ye; u be tasuma don u ka foro la, k'u be binjugu jeni, n'o ye diga ye.

O tasuma kelen be ke sababu ye ka dow ka malo gosibali bees jeni. Nin tasumako ye lajini ye; o ye tasumadonna no ye. N'a tun y'a tonogon tilali kono, ka soro ka tasuma don, tijeli tun te ke. Mogo kelen ka soro te bees nafa; an ka hakili soro doonin.

Tasumako min be se ka ke Ala ka latige ye, o ye malogosimansin no ye. Bawo, mansin dow be yen, n'olu ye malogosi damine, ka meen baara la, u be tasuma seri-seri; o be ke sababu ye ka malo jeni.

Nka, feere be se ka soro o fana na. Mun na ? Ofisiri ni senekelaw ka kan k'u fangaw fara nogon kan, ka ben a kan, ni mogo o mogo, n'i be taa ni malogosimansin ye kolon kono, o k'a soro tasumafagal an b'i bolo. O kofe, mansin ka kan ka laje, n'o y'a soro a ka ni. Ni mogo min ma nin saratiw dafa, o tigi kana don kolon kono.

Ne koni hakili la, nin ye feere do ye; n'o te, sene ka gelon fuu ma koyi !

Taari kelen musakaw bees lajelen be beendorome 25.600 ma. Ninan, tasuma ye taari 18 hake de jeni.

Ala k'an kisi nin nogonna ma. Ala ka hakili juman di tasumandonaw ma.

Basiru Kulubali
Joro Bamana Segu

ZANTIGILAKAW MA BALO CAMAN SOROCS NINJU

Ne nisondiyalen bë nin bataki in ci kibaru ma, k'an ka dugu kibaruyaw d'a tulo kan. Anw fe yan, Zantigila, an ka samiye noba raw banna. Ño camangosira; kooribowfana banna. N'an ye san temennenw balo sorolenw jatemine, k'uni ninan sorow da ñogon koro, san tow sorow ka ca ni ninan taw ye.

Balodese in te yoro kelen ye ninan. Anw fe yan, Zantigila, sugu la, ntendend fe, zanwiye kalo tun b'a sorò keninge ni sajo kilo kelen bë dörömë 5 la. Nka, ninan zanwiye kalo la, keninge ni sajo kilo kelen kera dörömë 20 ye, k'a sababu ke ño sorobaliya ye.

O temennen ko, n bë kibaru sebenbagaw n'a kalanbagaw, n'a kanubagaw bëe fo, k'u waleñumandon.

Modibo Sangare
Zantigila-Konina-Fana mara la

Senekelaw jigi y'u ka senefenw ye

An bë sunkalo la sisan; o la, an bë dugawu ke, Ala ka sunbagaw kene to. Ala ka seli se k'an kene ma to, n'o ka kan ka ben san 1417 ma, dönnibaaw ka fo la.

Anw fe yan, Kula, nene dogoyara. kabanogo kelenkelen bë to ka tige, sankolo la.

O bë funteni jira; o b'a jira fana ko samiye ka surun.

Gelya min b'anw cikèlaw kan, koori wariko don. Anw ka koori pesera, a kalo sabanan ye nin kalo in ye. Koori ma ce ka bo koorisugu la, sanko k'a wari sorò.

An b'a ninijamana ñemogow fe, u k'a ninj koori sannifeere ciyakeda fe, yelema ka don baara cogoya la, walasa kooriwarika se ka sorojona. Bawo cikela jigi y'a ka senefenw ye.

Dirisa Fônbâ N°1
Balikukalan Karamogo
Kula-Joyila kubeda.

SARIYA

Sigaretti minni n'a mankutuli sariyako

Goferenaman ka arabadon laadala tonsigisens, min kera fewuruyekalo tile 7, san 1996, sariya do taara ka ñesin sigaretti minni n'a mankutuli ma.

Sariya in b'a jira ko yamaruya te mögosi bolo ka sigaretti mankutu arajo ani telewison na, walima yoro werew, i n'a fo sinimansow.

Okofe, sigaretti minni bë dabila jamanayorow la, i n'a fo tonsigiyorow, pankurunw konona n'u ñogonnaw.

Goferenaman ye nin sariya ta, k'a sababu ke sigaretti ka kasaaraw ye, minnu bë se sigaretiminaw ni sigaretiminbaliw bëe lajelen ma.

Setigijamanaw la, ni mögö saba sara, i b'a sorò mögö kelen ka saya sorola Sigaret fe. Jateminelaw y'a jira ko mögo miliyon kelen fagara sigaret fe. Wa, san 24 ninan ko, sigaretti ka mögo fagata bë se miliyon 7 ma.

An ka jamana kono, ponze opitali la, kolosiliw y'a jira ko dusukundimbaat 100 ce la, i b'a sorò 70 ye sigaretiminaw ye. Mali dörön ma nin sariya in ta, bawo dije lamini tonba min ñesinnen don kenyakow ma, «OMS» ye sigaretti minni n'a mankutuli keleli damine kabini tumajan.

Min ye sigaretidilan izini ka sorò nagasili ye, sariya in kosoñ, goferenaman ka kumalasela, Bakari Koniba Tarawele y'a jira, i n'a fo a kera jamana werew la cogo min na, izini bë döönin-döönin bo a ka sigaretti hake dilantaw la, fo a laban na, a bë fen were dilan sigaretti no na k'o feere; ka sigaretiko silatunun pewu.



Jurusara waatiko dantigeli

Tuma caman jurusarabaliya bë mögöw lase sariyaso la. O te sorò fen were fe juru sarabaliya ko a waati la. Ni juru ma sar'a waati la jurutala bë jurudonna degun. A b'a dusukasi, k'a tööro. N'olu ye ñogon ce ka se sariyaso la, fen min bë fo, o ye waatiko ye, k'a jira ko ni juru ma se ka sara waati fölo la k'o da jurutala ka gelyaw kan, jurudonna ka waati were makono. Sariyatigiw b'o waati were dantigë jurutala lamennen ko. N'o waati were temenna ka sorò juru ma se ka sara, sariyatigiw bë waati kura were dantigë. O waatiw dantigeli banbaliw bë jurudonna dusukasi. A t'a döñ tugun a bë taa yoro min na sariyaso ko. O de bë na ni sariyatigiw joysoko ye juruko waatiko la.

Bëe b'a döñ ko yamaruya bë sariyatigiw bolo ka jurusara waatiw lajanya wali ka jurutala don kasol la wali k'a bolofenw feere ka jurudonna ka nafolo d'a ma. O te baara ñogonye k'a d'a kan sariyatigiw bëe tilennen te. Surofenko bë jurutala döñ bo bolo la nkalon kan. O surafenko kelen bë jurudonna döñ bila taanikasegin gansanw na fo döñ bë jen u ka nafolo ko, ka Ala mine. A bë döñ tige sariya la. Olu ye baasikow ye minnu te sariyatigiw tööduman ye.

A ko ka gelen cogo min na, mögö bë dugawu ke fen damadow la. Mögö te kisi jurudon ma. Mögö te kisi juruta ma. Olu latigesiraw ka ca kojugu. An se bë döñ la. An se te döñ la. Nin bëe kosoñ an b'a ninj Ala fe a k'an ben jurutala kantigiw dama dörön de ma. N'a dun ma ñe sariyasolataa ko, an b'a ninj Ala fe a k'an ben sariyatigi tilennenw dama dörön de ma.

Sungurunbaya ni kamalenbaya sababuw n'u kasaaraw

Sungurunbaya ni kamalenbaya ye walew ye minnu ma damine bi. Kabini lawale, musow ni cew tun be nin baarajugu ninnu ke; baaraw minnu b'u ka hadamadenya danbe tine.

An be don min na i ko bi, sungurunbaya ni kamalenbaya kera i n'a fo laada wulibali : denmisew ni mogokorobaw caman ka baaraketaw don.

Sanni an ka kuma fese-fese, an ka kan ka jininkali ke walasa k'a jenabo. Kamalenba ye ce ye min b'a yere to musow bolo; ani musow b'ee nogon bolo tuma bee. A te baara foyi ke, fugari don, a ka ko bee sirilen don musow la.

Sababu jumew na musow ni cew be iin baarajugu ninnu ke ? Segesegeliw jaabi y'a jira ko musow caman be sungurunbaya ke walasa k'u yere sutura; k'u yere balo an'u ka denbaya; k'u den ladon... Muso d'ow fana b'a ke u nege koson; olu man ca kosebe.

Cew ka kamalenbaya ye fugariya de ye. Olu be to yaala la doron musow de nof; u te baara ke. Musow de be fen bee k'u ye. denbayatigi kamalenba te sebe ke abada; ale ka denbaya be kongo la sanga ni waati bee.

An be watimin na i kobi, sungunrunbaya ni kamalenbaya be ke fan bee la jamana kono. .. Nin baara ninnu kebagaw ka ca an ka dugubaw de kono. Jamana nemogow yere ye sariyaw sigi minnu b'a to sungurunbaw ni kamalenbaw be se k'u ka baara in ke dugu kono sanga ni waati bee, sabu sungurunbaw ni kamalenbaw be wari sara nemogow ye. Nin b'a jira an na ko sungurunbaya ni kamalenbaya te maloyako ye bilen. Bee se k'e, foyi t'a la.

Nin baarajugu ninnu fana be ka don an ka togodaw kono, k'a sababu ke cemisenniw ni npogotigi minnu bena baara ke dugubaw kono.

Nka, an k'a don ko sungurunbaya ni kamalenbaya te don yoro si n'u ma kasaara jugu bange yen.

- **Kasaara folo** : Sungurunbaya ni kamalenbaya bena ni furuko geleya ye; sabu danbe be ce o ce la, o te son ka sungurunba furu ; muso danbetigi fana tena son ka furu ce kamalenba ma. Wa, an k'a don fana ko sungurunba ni kamalenba te son ka furu nogon ma, sabu u dalen te nogon na ; u be nogon jogo don.

N'u ma furu, u be to ten manamanako la fo ka ta s'usaya ma. Odunyelabancogo jugu ye.

- **Kasaara filanan** : bana jugu caman be

soro sungurunbaya ni kamalenbaya de fe. U be ce ni musoya banaw lase mogow ma : sida; sopisi... N'i ye sidatow cayalen ye jamana kono, u caman y'a soro sungurunbaya ni kamalenbaya de senfe, sabu sida soro sira teliman ye jeneya de ye.

- **Kasaara sabanan** : Sungurunbaya ni kamalenbaya be na ni den jugu caman wolo ye barisa, a ka gelen fa ka soro sungurunba den na. Ni fa ma soro den na, sungurunba caman be wajibya k'u denw fili nb'daw kan, walima u b'u bila kolonw kono ani bajiw la. Dow be posoni d'u denw ma walasa k'u faga joona. N'i sera denmarayorowla, i b'a soro den caman ye sungurunbaw denw ye.

An k'a don fana ko sungurunbaw ni kamalenbaw denw te ladamu ka ne sabu u b'u yere de jogo jugu don u denw na. O den ninnu fana be laban ka ke bolonfedew ye; u be se k'u fa n'u ba jogo ta; walima ube ke janamu janamu mogow ye; walima ube ke nsonw ye jamana kono. Ne balimaw, an k'a don ko sungurunbaya ni kamalenbaya ye danbe tine walew de ye. Ube hadamaden nijamana bee danbe tine, k'a nagasi. N'an y'u kasaaraw

jatemin, an ka kan ka feerew nini, minnu b'a to u be se ka dabila jamana kono.

Sungurunbaya ni kamalenbaya be kele cogo jumen?

Ne hakili la, sungurunbaya ni kamalenbaya be ke wari de koson. Wari nini sira do don. Walasa k'u kunben, nemogow be se ka bololabaarake yorow laben sungurunbaw ni kamalenbaw kama; o la, u be baaraw dege, u be se ka nafa caman soro minnu na; u b'u kunko caman jenabo danbe sira kan. Ne balimaw, sungurunbaya ni kamalenbaya te baara dawulamaw ye. Sungurunba ni kamalenba bee ka kan ka deme; k'u dege bololabaaraw la (galadon, nakobaara, finikala...) walasa u ka se ka do k'u yere ye, halala sira kan. Ne hakili la, nijamana nemogow sera ka sungurunba ni kamalenba ninnu son hakili la, k'u bila sira numan kan, u b'ena nin walejugu ninnu dabila. Ni feere ma nini sungurunbaya ni kamalenbaya la, u b'ena ke sababu ye kajamanaden camanka hadamadenya tine. N'u ma kunben joona, u kasaaraw b'ena se mogo caman ma.

Amidu Kulubali
Balukukan karamogo Bamako

Keneya : Kanjabana (A nacogo n'a kunbencogo)

Kanjabana, walima menenziti ye bana ye, min be hadamaden fasaba forokow mine, k'u jeni-jeni, i b'a fo tasuma b'u la. A be soro banakise min fe, o togo ye ko menengoku. Kanjabana ka waati ye tilema ye, funteniba tuma la. A ka teli ka denmisew mine, minnu si b'a ta san 5 la, ka t'a bila san 15 la. A be damine ni fariganba cunnen ye, ani kunkolodimi gelen, ani foono. Bana in nacogo b'a ni sumaya bo nogon fe; nka banabaato laban fasaw be ja, k'a damine kanfasa la.

Menenziti lakodon man di denyerenin na, ka d'a kan, a te kunkolodimi bil'o la; wa o ka fo'onow bee te se ka jate k'olu ke bana in no ye. Nka, kanjabana be k'oboli bila denyerenin na, k'a kanfasa magaya, k'a new wagalen to sanfela la; denyerenin be to ka yere-yere.

Bana in nacogo min ka jugu kosebe, n'a ka teli ka mogo faga, o y'a cunni ye, ka sin ka banabaato ja. Danfaraw be denyerenin ni denmisew ani mogokorobaw ka bana minecogow ni nogon ce. Mogokoroba ka bana dimi kologirin b'a kunkoloso la, k'a ke i n'a fo banabaato hakili bena nagami.

Bana in ka kan ka furake joona-joona. Fura minnu ka teli ka menenziti kele, k'a ban pewu, olu ye antibiyotikiw ye. Ni bana furakera ka ne kosebe, farigan man kan ka temen tile 4 kan. N'a temenn'o kan, banabaato ka kan ka siran ka dogotoroso magen joona. Bolociji do be yen min be mogo kisi ka bo menengoku suguya dow ma, ni dogotorow k'olu ma gurupu «A» ni gurupu «C».

Kanjabana furakelicogo numan te temen a kunkenni kan. Ni mogo min ye fariganba ni kunkolodimi gelen, ani nunkononadimi ni kunkonadimi kolosi a siginogon na, walima a yere la, o tigi ka kan ka taa dogotoroso la teliya la, ka soro bana ma juguya.

Ni bana in lakodonna dugu minna, lajere liw ka kan ka dabila yen. O temennen ko, yoro man kan ka furan, ka soro ji ma funfun a kan. Banakise in soroli ka teli gongon fe.

Bezingi laje n'a woyow

San 1995, setanburukalo temennen, dijé tonkun naani musow ye njogon dalaje Sinuwa jamana dugu dökono, n'o ye Bezingi ye, walasa k'a laje ji njemajolen na, musow ka kan ni min ye ani u man kan ni min ye, anisariya minnu b'u bolo diine ni laadalasiraw la, ani joyoro min ka kan ka d'u ma u sigiyorow la an'u ka baaraw siratige la, u josariya kadara kono
Fœrœ caman bolodara Bezingitonsigi



«AMUPI» y'a ka nisongoya jira

senfe, minnu caman kodonnen don diine ni laadalasiraw ma.
O feere bolodalenw tiimeli hukumu kono, Mali silame jekulu min ye «AMUPI» ye, o y'a ka nisongoya jira lajeba do senfe, min labenna farikolojenajeyoro la, n'o togodalen don Maliperesidan folo Modibo Keyita la, san 1996, Zanwiyekalo tile folo. Kene ir denbayara ni silame jekulu caman werew mumuni cemanw n'a musomanw ye.

Silametow y'a jira ko n'i ye maliden 100.0.100 jo, i b'a soro 95 ye silamew ye, o tuma farajew ka kafiriya ni yeredonbaliya walew te se ka sira soro Mali kono.

U y'a jira ko farajew ka damatemen wale minnu kelen don bi k'u somayelema, o n'anw ka diine ni laadaw te njogonta. U ko anw baara, musown'ujoyoro, cewn'ujoyoro, denw n'ujoyoro, faw n'ujoyoro. Nka o koro te ko muso ye bolokofefen ye.

Silametow ko Tubabuw ka dorguta, bajanbilaya, cew yere dama ka je njogon fe, musow yere dama ka je

njogon fe, u ka nbедакan jenye, u ka malobaliya julankolon döñw, nin si t'anw danbeye. Anwbenbawm'odon, anw faw m'an dege o jogojuguya walew la. O tuma anw te se k'anw denmusow n'an musow feere wariko nata koso.

Silametow ka fo la, yerebolobunagi dagalen te diine fe, sanko k'i yere masu cew la n'o sawura ye.
denbayaw tali denmusow fe ni

sungurunbaya
wari ye,
moribarataw,
njepini,
j o s o n ,
koloninfili ni
tijeda k'i
diyane muso
walima diyane
ce soro,
silamew y'a
jira k'o bœe
haramuyalen
don diine fe.

U ko an be ka

farajew ladege fen caman na, sanko u ka jogojuguya walew, nka «jirikurun meen o meen ji la, a te ke bama ye». Farajew n'uka danbew, n'uka laadaw, n'uka diine, anw fana n'an ka danbe, n'an ka laadaw an n'an ka diine. Silamew y'a jira ko hine ni makari be ka bo malidenw dusukun na, Ala n'an ka yeredonbaliya walew sababu la. U ko n'an m'an jija, an b'an ne fiye k'o y'an nun ye.

Bamananw ko : «kuma ye todenw ye.

Ni ye do ta, do ko be bo». O temennen kono, a be fo an fe yan ko «kuma la tijne te ban».

Muso minnu yere taara Mali musow bœe joyoro fa Bezingi kene kan, olu ko i n'a fo kuma man di mogo kelen da, o tuma a ka kan malidenw bœe lajelen k'u tulo kerebosigi k'u yere felaw lamèn. Olu ka jate la, a b'i komi njogonfaamuyabalinin do b'u ni silame jekulu ni njogon ce.

A folo, Mali musow ka ninita ye min ye, ce be se ka baara o baara ke ni muso be se k'o njogon ke, k'a soro a te foyi bo a ka sun n'a ka seli la, mun na, o joyoro

be di cew doron ma ka musow to yen. Malimusow k'ut'o njenawoloma sugu de la bilen, bawo meen ker' u kan. A filanan, olu m'a fo mogo si ye, k'u te silameya fe, nka utejonya fe silameya kono.

Du te se ka jo olu ko, dugu te se ka jo olu ko, jamana te se ka jo olu ko. Munna, u ka kan ni josariya minnu ye, o te d'u ma u k'u joyoro fa fasobaara la. Munna, cew hakilinata te fen were ye ko muso sigiyorow n'a kumayoro te yoro were ye dukonona kono, k'a soro ce ni musodebeje kadenwolo. Siracaman kan, cew ni musow ka kan ka damakejne fo n'a kera walew ye, minnu be se ka muso ka bangeko geleya.

Mali musow ka ciden yamaruyalenw y'a jira ko silametow be ka baga farajewma, Bezingi feere bolodalenw waleyali la, k'a soro faraje jamana caman be yen, olu ma son ni Bezingi feere bolodalenw dakun caman waleyali ye, k'a d'a kan a n'u ka jamana danbew, laadaw n'u diinew te njogonta. O temennen kono, a jirala ko Bezingi feere daw waleyali yere b'an segin baganya baara kan, bawo fen kelen min b'an ni baganw bo njogon na o ye hakili ye. A fôra Bezingi ko cew yere dama be se ka furu njogon ma, walima musow yere dama; daw be ka faraje minnu file kafiriw ni yeredonbaliw ye, hali olu caman k'u te je n'o sariyaw ye u ka jamanaw kono.

Bamananw b'a fo ko «N'i ko, i b'i kunda i sinamuso ta dacogo la, ni digibagako m'a tijne, kunsigiko b'a tijne». Faransikaw ye faransikaw ye, nka halibi Mali musow ko olu te se ka ke dawere ye malidenw kono. Faransi be se cogo min ka yankaw jogo numan ta, yankaw fana be se ka faransikaw jogo numan ta.

An ka sabali, ka njogon faamu bawo : «Kotonjogontala de be karatabugu meen si la».

Ni jekafô ni jekake ma fen min ne, karogelena te se k'o ne». Umaru Koyita y'a fo a ka döñkili kono, sinuwaw b'an kan, Faransikaw b'an kan, alimanw b'an kan; o tuma n'an ma hine njogon na, an be njogon faga fuu!».

Basiriki TURE

EREGE DɔNKLIDALA ɻANA AZIZI WONDERRI

An bɛ don min ma, i ko bi, fɔisenw cayara kosebɛ Mali kɔnɔ. Fɔisen min ka di denmisɛnw ye kosebɛ, n'a bɛ d'u la a ñe ma, o dɔ rɔ kelen ye «EREGE» ye.

EREGE dɔnkilidala minnu bɛ Mali kɔnɔ sisan, oluye Kalori Sori, Umaru Koyita, Azizi Wonderrri, Koko Danbele, Ja Yusufu, ani Asikiya Modibo n'u ñogɔnnaw.

EREGE dɔnkilidala b'u yere wele ko arasitaw. Arasitaya y'a danma diins ye, a mogow ka fɔla, min nesinnen don bɛn ni kelenya ani yere mahoronya sabatili ma hadamadenw ni ñogon ce, ani jamanaw ni ñogon ce.

An ka kuma bɛ EREGE dɔnkilidala min kan, oye Azizi Wonderrri, n'a kunditogɔ ye Cɛkura Kɔne ye. Azizi Wonderrri ka denmisɛnya fanba kera Kodiware jamana kan, kerenkerennnya la Abijan, Daluwa, ani Yamusokoro dugubaw kɔnɔ. A ka baara tun ye mobiliw, motow, ani negesow dilanni ye. Azizi Wonderrri ma dɔnkilida damine joona ; nka, Salifu Keyita ni Ayisha Kɔne ka dɔnkiliw lamenni tun ka d'a ye kosebɛ.

San 1982, Cɛkura Kɔne y'a kanu ka taa Zamayiki jamana kan; EREGE fɔisen bora yɔrɔminna. Ataatatemenna Ginebisawo, Lagine, Saralon ani Liberia jamana wɔfɛ, ka baara misenw k'a senfɛ.

Asera Zamayiki dugu caman kɔnɔ, ani faraje jamana caman wɛrew. A ye san 7 ñogonna ke taama la. O senfɛ a ye «Shamashama» dɔnkili dilan.

Azizi Wonderrri y'a kanu ka segin tuma min na faso la, wari tun t'a kun. A ye baaraw k'a senfɛ, fo ka n'a se faso la. A ma wari sɔrɔ taama in na ; nka, a ye mogɔ caman don fɔli siratigɛ la, minnu kera sababu ye, a ka se ka lakodon jamana caman kɔnɔ.

A selen so, Azizi Wonderrri y'a ka «Shamashama» dɔnkili laben ni jaw ye k'a ñe, ka laban ka dɔnkili kura dɔ dilan, min bɛ boli geleya ni faantanya kan. A ka jate la, dɔnkili te se ka dɔnkilidala balo.



Azizi Wonderrri ko šekoni dɔnko te jamana ojamana la, ojamana laban bɛ silatunun ; ko a ka kan bɛs k'i ñesin Mali sekow n'a dɔnkow dondalali ma. Azizi Wonderrri ye larabukan ni angilekan nagaminen ye ñogon na. Azizi kɔrɔ ye larabukan na «hakilima» ; Wonderrri kɔrɔ ye angilekan na «dakabanako».

An ni Azizi Wonderrri ka kuma senfɛ, a y'a

jira ka bɛ dɔnkilida kan naani na, n'olu ye bamanankan, senufokan, faransikan, ani angelékan ye.

Azizi Wonderrri ka fɔla, arasitaya kɔrɔ te dɔroguta ni kolankolonw keli ye. Arasita bɛ bɛn ni tiŋe, ani kelenya ñini hadamadenw ni ñogon ce. Arasita lakika bɛ sira numandon hadamadenw kɔrɔ.

Arasitaw ka wari file fosi ye magoñefɛn kɔ. Hadamadenya ma dabɔwari kama, wa hadamadenya man kan ka dulon wari la.

Arasitaw ka jate la, politiki ka kan ka to politikimogɔ bolo, n'a te baasi lase mogɔ ma. Nka, ni politiki bɛna fiŋe bila hadamadenya la, arasitaw bɛ wuli k'a lagosi.


Azizi Wonderrri k'a bɛ ka kaseti kura dɔ laben, min bɛ bɛn dɔnkili segin ma.

«Laadilikan», «Malifasa», ani «farafinna bɛ taa min ?», n'o bɛ kuma farafinna demokarasi kan.

Azizi welelen don ninan nizerikawfɛ. A y'a ka kuma kunce ni weleli ye ka ñesin farafinna denmisɛnw ma; u ka wuli ka farafinna ka ñetaa sabati, sabu, Azizi Wonderrri ka fɔla, farafinna bɛ sira numan kan.

TULON

Nin desen fila dilanbagu y'a dab'a kama, ka fili 10 k'u la. A y'olu ñini.



8- Numafe jirmissenini. 9- Küli kuu dɔ. 10 - She sen dɔ.

4-She kamani. 5-Lefte duqumana. 6-Kogoo kinifte birlik kelen. 7-Belikse miñ be duqumma.

1-Sheden kelein faraleen don desen dschedenw kari. 2-Ksandmibesanté. 3-She kunkolo.

KCR

«Afiriki di Sidi» nanaminjanaw ka kene



Hakililajigin siratige la, Afiriki jamanaw ntolatan nanaw y'u kogo da nogon na, «Afiriki di Sidi» jamana kono, k'a damine san 1996, zanwiye kalo tile 13, ka t'a bila fewuriyekalo tile 3 la.

jamana 15 balontanna nanaw de tun be nogondan in kenew kan, min be wele ko «KUPU DAFIRIKI», ni san 1996 ta in ye a nogonkunben 20 nan ye; aw k'a don fana ko «KUPU DARIFIKI» balontan be ke san fila o san fila, Afiriki jamana do kono, a labenni fanga be min na.

Afiriki jamana 15 ekipu minnu tun be «Afiriki di Sidi» «Kupu DAFIRIKI» la, olu tila-tilala kulu 4 ni nogon ce, minnu ye nogon soro nin cogo la :

Kulu A

Afiriki di Sidi ye Kameruni gosi 3 ani 0 Misira jamana ye Angola gosi : 2 ni 1 Kameruni ye Misira jamana gosi : 2 ni 1 Afiriki di Sidi ye Angola gosi : 1 ni 0 Misira jamana ye Afiriki di Sidi gosi : 1 ni 0

Kameruni ni Angola ma se nogon na. U bee ye bi 3 don.

Kulu B

Zanbi ni Alizeri ma se nogon na. O kera 0 ni 0 ye Saralon ye Burukina Faso gosi : 2 ni 1 Alizeri ye Saralon gosi : 2 ni 0 Zanbi ye Burukina Faso gosi : 5 ni 1 Alizeri ye Burukina Faso gosi : 2 ni 1 Zanbi ye Saralon gosi : 4 ni 0

Kulu C

Liberiya ye Gabon gosi : 2 ni 1 Gabon ye Zayiri gosi : 2 ni 0 Zayiri ye Liberia gosi : 2 ni 0

Kulu D

Gana ye Kodiware gosi : 2 ni 0 Tinizi ni Mozambique ma se nogon na. U bee ye bi 1 don.

Gana ye Tinizi gosi : 2 ni 1 Kodiware ye Mozambique gosi : 1 ni 0 Tinizi ye Kodiware gosi : 3 ni 1

Gana ye Mozambique gosi : 2 ni 0 An ye kulu 4 jamanaw kelen-kelen bee ka kubonew jaabiw d'aw ma sanfe. O nogonkunben folow temennen k'o, jamana 8 minnu nanaw y'o ten ta, olu fana y'u kuwa da nogon na, nin cogo la :

Afiriki di Sidi ye Alizeri gosi : 2 ni 1 Zanbi ye Misira jamana gosi : 3 ni 1 Gana ye Zayiri gosi : 1 ni 0

Tinizi ni Gabon deserai nogon na fo «penaliti» nan'u fara ka bo nogon na. Tinizi ye «penaliti» bi 4 don, Gabon sera ka «penaliti» bi 1 doren de don.

Jamana 8 minnu kofor'aw ye sanfe, olu fana ye nogon den kerefe, fo ka n'a to to jamana 4 nanaminjanaw ye. Olu fana ye nogon soro nin cogo la :

Tinizi ye Zanbi gosi : 4 ni 2 Afiriki di Sidi ye Gana gosi : 3 ni 0 Jamana 2 minnu cira, n'o kera Zanbi ni Gana ye, olu ye nogon kubon jeyoro 3 nan ni 4 nan noge. Nka o janjo ma diya Gana la.

Zanbi ye Gana gosi : 1 ni 0. Ntolatan ekipu 2 minnu nogon ma ye «Afiriki di Sidi» balontan kenew kan, minnu ye jamana tow ntolatan nanaw senbo Afiriki sodansow ka nogondan in na, o kera «Afiriki di Sidi» ni Tinizi ye.

«Afiriki di Sidi» balontan sodansow ye Tinizi taw mine, san 1996, fewuriyekalo tile 3, u ka peresidan Nelson Mandela nena, k'u ci : 2 ni 0.

BASIRIKI TURE.

San 1998 «KUPU DAFIRIKI» kalata

An be Kibaru kanubagaw n'a lasabagaw ladonniya ko san 1998 «KUPU DAFIRIKI», n'o ye Afiriki ntolatan jamanabawka kubon kene ye, k'o be na ke an kerefe jamana do kono, n'o ye Burukina Faso ye. A ka kan, aw k'a don ko Farafinna balontan nogondan in be se ka laben Afiriki jamanaw kelen-kelen bee kono, n'o ya soro a labenni fanga be jamana min na.

Kalata ye nogonkunben folo minnu di, olu file :

1 - Morisi ni Seyisheli

2 - Kongo ni Togo

3 - Bosiwna ni Namibi

4 - Benen ni Moritani

5 - Santarafiriki ni Burundi.

Nin kubon kofolen ninnu bee ka kanka ke taanikasegin na, san 1996 utikalo in nata kono.

Kubon filananw, sanni jamanaw ntolatan ekipu nana 16 ka nogon soro Burukina Faso, o kecogo file nin ye :

Kulu 1 : Gana - Angola - Zimbawe ni Sudan.

Kulu 2 : Alizeri - Kodiware - Mali ani kulu 4 nan sebaa jamana.

Kulu 3 : Misira jamana - Maroku - Senegali - Ecopi

Kulu 4 : Tinizi - Saralon - Gine ani kulu 5 nan sebaa jamana.

Kulu 5 : Gabon - Kameruni - Keniya ani kulu 3 nan sebaa jamana.

Kulu 6 : Zayiri - Liberia - Tanzani ani kulu 2 nan sebaa jamana.

Kulu 7 : Zanbi - Mozambique - Malawi ani kulu folo sebaa jamana.

"AMAP" kuntigi

Gawusu DARABO

Mali kanw kunnafonisebenw
baarada kuntigi

Nenze Samake

Kibaru

BP : 24 Téléfoni : 22-21-04

Kibaru Bugufiye Bozola

Bamako - Mali

Ditarbagaw ni sebenbagaw kuntigi

Basiriki Ture

Sebenbagaw kuntigi

Baadama Dukure

Labugunyoro Kibaru gafedilan baaraad

Bolen Hake 16 000